

18 SEP 2000

PERDANA MENTERI TIBA DI KOTA KINABALU UNTUK LAWATAN DUA HARI

KOTA KINABALU, 18 Sept (Bernama) -- Perdana Menteri Datuk Seri Dr Mahathir Mohamad tiba di sini petang ini untuk lawatan dua hari ke Sabah.

Ketibaan Dr Mahathir dan isteri Datin Seri Dr Siti Hasmah Mohd Ali dengan pesawat khas di terminal lama Lapangan Terbang Antarabangsa Kota Kinabalu pukul 6.35 petang ini disambut Ketua Menteri Datuk Osu Sukam.

Yang turut berada di lapangan terbang itu ialah menteri kabinet negeri serta ketua jabatan kerajaan negeri dan persekutuan.

Malam ini, Dr Mahathir akan menghadiri upacara perasmian Tilawah Al-Quran Peringkat Kebangsaan di Dewan Saadah, Wisma Muis, dekat sini.

Pagi esok Perdana Menteri dijadual merasmikan kampus tetap Universiti Malaysia Sabah di Teluk Likas, sebelum bertemu anggota kabinet negeri pada tengah hari.

Beliau dijangka mengadakan sidang media sebelum berlepas ke ibu negara pada kira-kira pukul 4 petang esok.

-- BERNAMA

NT NMO